

## Paerewa Paetae

<b>Aronga</b>	Ngā Toi Puoro 1.5				
<b>Ingoa</b>	Te whakamahi hangarau matihiko hei whakawhanake whakaaro toi i roto i ngā toi puoro				
<b>Kaupae</b>	1	<b>Whiwhinga</b>	4	<b>Aromatawai</b>	Ā-roto
<b>Marau akoranga</b>	Te Marautanga o Aotearoa				
<b>Kokonga akoranga</b>	Ngā Toi				
<b>Mana rēhita</b>	Kua rēhitatia	<b>Te rā i mana ai</b>	12 Hakihea 2013		
<b>Te rā e arotakengia ai</b>	31 Hakihea 2020	<b>Te rā i puta ai</b>	12 Hakihea 2013		

---

### Te Hononga ki te Marautanga

I ahu mai tēnei paerewa paetae i te Taumata 6 o Te Marautanga o Aotearoa i whakaputaina e Te Pou Taki Kōrero i te tau 2008.

### Whāinga Paetae

*Toi Puoro*

*Ka tūhura, ka hanga, ka hanga ariā, ka whakaatu:*

*[tūhura, mahi, mōhio, maioha] i ngā horopaki o ngā tūmomo puoro me ētahi mahi e hāngai pū ana ki aua horopaki.*

E hono ana ki te Papa Whakaako mō Ngā Toi kei te pae ipurangi nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

### Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

**Paerewa Paetae**

<p><b>Paetae</b> Te whakamahi hangarau matihiko hei whakawhanake whakaaro toi i roto i ngā toi puoro.</p>	<p>Hei tohu i te paetae:</p> <ul style="list-style-type: none"> <li>• Ka whakamahi i ngā momo pūkenga, ngā huānga, ngā tukanga toi me ngā hangarau matihiko kia puta mai ai tētahi mahi puoro nāna ake.</li> <li>• Ka whakamārama i te wāhi ki ngā hangarau matihiko ki roto i ngā toi puoro.</li> </ul>
<p><b>Kaiaka</b> He kaiaka te whakamahi hangarau matihiko hei whakawhanake whakaaro toi i roto i ngā toi puoro.</p>	<p>Hei tohu i te kaiaka:</p> <ul style="list-style-type: none"> <li>• Ka whakawhānui i te māramatanga ki te tikanga o ngā hangarau matihiko hei whakawhanake i ngā ariā toi.</li> <li>• Ka whakamātau i ngā tikanga hangarau matihiko kia whaitake ai ngā mahi toi ka puta.</li> </ul>
<p><b>Kairangi</b> He kairangi te whakamahi hangarau matihiko hei whakawhanake whakaaro toi i roto i ngā toi puoro.</p>	<p>Hei tohu i te kairangi:</p> <ul style="list-style-type: none"> <li>• Ka whai māramatanga ki te whakamahi hangarau matihiko i ngā mahi toi.</li> <li>• Ka puta ngā taha rerehua kia pai ai te whakamahi i ngā hangarau matihiko.</li> <li>• Ka tau te āhua o te tuku i ngā pūkenga kia hāngai ai ki ngā horopaki huhua noa.</li> </ul>

**Kōrero Āpiti**

1 E whai ake nei ko te whakamāramatanga o ngā kupu whaitake, kīanga rānei:

hei whakawhanake i ngā ariā toi	Ka tipu, ka pakari, ka whānui ngā whakaaro mō te mahi kua whakaritea.
ngā taha rerehua	Te wairua, te mana, te ihi, te wana, te wehi, te mauri.

Kuputaka:

hangarau matihiko

horopaki

whakamāori

whakawhānui

digital technology

context

interpret

elaborate

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233